



Normas de funcionamento e estrutura xeral do ciclo formativo

Atendendo ao disposto na normativa vixente en relación coa matrícula en ciclos formativos¹, é preciso que o alumnado teña moi presentes os seguintes aspectos relacionados cos estudos que vai cursar:

- a) A matrícula **formalizarase en cada curso académico**, e con ela o alumnado terá dereito a unha única convocatoria por cada módulo profesional.
- b) Cada módulo profesional poderá ser obxecto de avaliación nun **máximo de catro convocatorias**, agás o módulo de formación en centros de traballo (FCT), que o será nun máximo de dúas.
- c) O alumnado poderá formalizar a matrícula no segundo curso cando se cumpra algún dos **requisitos de promoción** seguintes:
 - Ter superados todos os módulos profesionais do primeiro curso.
 - Ter pendente unicamente un módulo profesional asociado a unidade de competencia do primeiro curso, con independencia da duración deste.
 - Tendo algúns módulos profesionais non superados, que a suma da súa duración sexa inferior ao 25 % da carga horaria total correspondente ao primeiro curso, sempre que non se trate de máis dun módulo asociado a unidade de competencia.
- d) En todo caso, cando un alumno ou unha alumna non se promova deberá repetir os módulos profesionais non superados.
- e) Con carácter xeral, o alumnado poderá realizar a matrícula de primeiro ou segundo curso no mesmo centro un máximo de dúas veces, sempre que non esgotara o número de convocatorias indicado no punto 2.
- f) A matrícula en ciclos formativos polo réxime ordinario non poderá ser compatible coa matrícula en calquera ensinanza do mesmo réxime. Porén, no caso de ensinanzas de réximes diferentes e compatibilidade horaria do 90 % será posible realizar a matrícula simultánea.
- g) Co fin de non esgotar as catro convocatorias previstas para cada módulo profesional, poderase renunciar, por unha soa vez, á avaliación e á cualificación da totalidade dos módulos profesionais do ciclo formativo, sempre que se dea algunha das seguintes circunstancias (xustificadas documentalmente):

- Doenza prolongada de carácter físico ou psíquico, tanto do/a alumno/a como de familiares ata o segundo grao de consanguinidade ou afinidade.
 - Incorporación a un posto de traballo mediante un contrato de duración superior a dous meses, nun horario incompatible coas ensinanzas do ciclo formativo.
 - Obrigas de tipo familiar ou persoal que impidan a normal dedicación ao estudo.
- h) Logo de iniciadas as actividades lectivas procederase á **anulación da matrícula** no caso do alumnado en que se observe absentismo continuado e inxustificado. O alumnado tamén poderá solicitar de xeito voluntario a anulación da súa matrícula antes do 31 de outubro. A partir desta data, o centro poderá realizar **baixa de oficio da matrícula** cando un alumno ou unha alumna non asistan inxustificadamente á clase.
 - i) O **alumnado con necesidades educativas especiais** poderá ser autorizado, cando as necesidades de apoio específico así o xustifiquen, para cursar os ciclos formativos en réxime ordinario de xeito fragmentado por módulos profesionais, cunha temporalización distinta á establecida con carácter xeral.
 - j) Finalmente, o alumnado poderá solicitar a **validación ou exención** de módulos profesionais cando cumpra os requisitos necesarios ao respecto.²
 - k) Do mesmo xeito, se así o considera necesario, poderá solicitar a correspondente **reclamación** ante as cualificacións recibidas nos módulos profesionais e/ou ante as decisións adoptadas en relación á promoción, ao acceso ao módulo de FCT ou outras.

¹ Orde do 23 de abril de 2007 pola que se regula o desenvolvemento dos ciclos formativos de formación profesional, en réxime ordinario e para as persoas adultas, e as probas libres para a obtención dos títulos de técnico e técnico superior (DOG do 7 de maio).

² Artigos 14º, 15º, 16º, 17º e disposicións adicionais da Orde do 30 de xullo de 2007 pola que se regula a avaliación e a acreditación académica do alumnado que cursa as ensinanzas de formación profesional inicial (DOG do 9 de agosto).

Artigo 9º da Orde do 28 de febreiro de 2007 pola que se regula o módulo profesional de formación en centros de traballo da formación profesional inicial, para o alumnado matriculado en centros educativos da Comunidade Autónoma de Galicia (DOG do 9 de marzo).



Enderezo
CP - Localidade
☎ ☎ FAX
Correo electrónico
Páxina web

Denominación				
Familia profesional				
Código do ciclo		Nivel	Duración (en horas)	
Currículo	BOE		DOG	
	Real decreto /.....	Data	Decreto /	Data

Primeiro curso						
Trimestre	Código módulo	Módulo profesional	Horas	Sesións semanais	Porcentaxe	Unidades de competencia asociadas
		Horas totais no 1º curso				

Segundo curso						
Trimestre	Código módulo	Módulo profesional	Horas	Sesiões semanais	Porcentaxe	Unidades de competencia asociadas
		Horas totais no 2º curso				